

Zastupnik Skupštine Kantona Sarajevo

Safet Mešanović

22.03.2017.

26. ZADWA SEDNICA

Ministarstvo saobraćaja Kantona Sarajevo
-ovdje-

Direkcija za puteve Kantona Sarajevo
Ul. Hamida Dizdara br. 1

Zavod za izgradnju Kantona Sarajevo
Ul. Kaptol br. 3

PREDMET: Inicijativa vezana za rješavanje statusa objekata na trasi IX tranferzale.

Kao zastupnik Skupštine Kantona Sarajevo ovoj Skupštini podnosim Inicijativu koja je vezana za rješavanje statusa objekata na trasi IX tranferzale.

Naime, želim obavijestiti ovu Skupštinu da je ista dana 28.03.2012. godine donijela Odluku o prihvatanju okvira za preseljenje i naknade za projekat izgradnje gradskih saobraćajnica u Kantonu Sarajevo i to za I tranferzalu (3,1 km), područje Općine Centar, XII tranferzalu (0,9 km), područje Općine Ilidža i Južnu longitudinalna (3,8 km), područje Općine Novi Grad Sarajevo objavljenu u Službenim novinama Kantona sarajevo broj 13/12. Ovom odlukom je odlučeno je da se prihvati okvir za preseljenje objekata koji su zatečeni na navedenim tranferzalama i da se korisnicima istih isplati naknada na način kako je to i uređeno ovom odlukom odnosno Uputstvom kao pratećim dokumentom ove odluke. Naime, većina objekata kojima su isplaćene nakande po ovoj Odluci su bili bespravnog karaktera tj. njihovi korisnici nisu imali odgovarajuću dokumentaciju o legalnosti istih. Dakle, ovim vlasnicima koji su imali objekte Odlukom Skupštine Kantona Sarajevo plaćena je naknada za iste prema zatečenom stanju.

Kao implementatori Projekta po predmetnoj Odluci određeni su Zavod za izgradnju Kantona Sarajevo, Ministarstvo saobraćaja Kantona Sarajevo – Direkcija za puteve Kantona Sarajevo i Pravobranilaštvo Kantona Sarajevo.

U vezi sa navedenim želim Vas obavijestiti da mi sada trenutno imamo istu situaciju odnosno isti problem rješavanja statusa objekata privremenog karaktera na trasi IX tranferzale kako sam informisan od strane Općine Novi Grad Sarajevo. Svi objekti koji se nalaze na trasi IX tranferzale su bili na predmetnoj lokaciji prije 1992. godine odnosno prije ratnih dešavanja i isti objekti su imali privremene odluke za zadržavanje. Ti isti objekti do danas nikada nisu uklonjeni, a njihovi vlasnici su svo vrijeme iste koristili u poslovne svrhe tj. od istih su živjeli odnosno obezbjeđivali svoju egzistenciju za sebe i svoju porodicu. Budući da se ovi objekti kao što je navedeno nalaze na trasi IX tranferzale i da isti moraju biti uklonjeni, jer se ne mogu zadržati, a kako vlasnici ovih objekata nemaju odgovarajuću dokumentaciju o legalnosti istih kao što nisu imali tu dokumentaciju o legalnosti objekti na I i XII tranferzali i Južnoj longitudinali kojima je plaćena naknada za objekte, ovim putem podnosim Inicijativu da se status objekata privremenog karaktera na trasi IX tranferzale riješi na isti način kao što je to riješeno Odlukom ove Skupštine koja je donesena 28.03.2012. godine za objekte na I i XII tranferzali i Južnoj longitudinali.

Kao zastupnik u Skupštini kantona i kao predstavnik građana smatram da svi građani treba da uživaju jednaka ljudska prava pa zbog toga smatram da bi se trebalo krenuti u proceduru da ova Skupština donese sličnu odluku kao od 28.03.2012. godine kojom bi utvrdila priznavanje prava na naknadu vlasnicima objekata na IX transferzali. Ukoliko bi se desilo da se vlasnicima objekata na IX transferzali ne isplati naknada isti bi bili dovedeni u neravnopravan položaj od strane ove zakonodavne vlasti, a takođe treba imati u vidu i Zakon o zabrani diskriminacije koji zabranjuje diskriminaciju ljudi odnosno stavljanje u nejednak položaj u istim ili sličnim situacijama kada se rješavaju projekti od značaja za državu.

Kada je riječ o odluci koju sam već naveo a koju je ova Skupština donijela za I i XII transferzalu i Južnu longitudinalu, želim Vas obavijestiti da je ista odluka donesena po pravima i uputama od strane EBRD-a (Evropske banke za obnovu i razvoj) koji su kao uslov odobravanja kredita za izgradnju navedenih saobraćajnica odredili uslov da se svim zatečenim objektima odnosno njihovim vlasnicima bez obzira što su isti nelegalni plati odgovarajuća naknada, a koja je precizno i navedena u predmetnoj odluci. Dakle, i po pravilima EBRD-a koji je u predmetnom postupku primjenjivao pravila međunarodnog prava utvrđeno je da vlasnicima nelegalnih objekata na trasi saobraćajnica pripada pravo na naknadu, jer se radi o priznavanju osnovnih ljudskih prava među kojima spada pravo na rad.

Na osnovu navedenog smatram da bi se za rješavanje statusa objekata na IX transferzali trebalo krenuti u proceduru donošenja odluke od strane ove Skupštine kako sam to naprijed naveo i na način kako sam to naprijed naveo, zašto i podnosim ovu Inicijativu.

Molim da mi se gore navedene institucije očituju u roku od 15 dana.

Sarajevo, 22.03.2017. godine

Zastupnik Skupštine Kantona Sarajevo

Safet Mešanović

